

სსიპ საქართველოს მუნიციპალური განვითარების ფონდი



გამარტივებული ელექტრონული ტენდერის

დოკუმენტაცია

ასაწყობი შენობების კომპლექტის სახელმწიფო შესყიდვის შესახებ

CPV (44211000)

ქ. თბილისი
2013 წელი

სარჩევი

1	ინსტრუქცია ტენდერში მონაწილეთათვის	3
2	ტექნიკური დოკუმენტაცია	4
3	სახელმწიფო შესყიდვის შესახებ ხელშეკრულების პროექტი	6
4	დანართი N1 ტექნიკური პირობები	12
5	დანართი N2 სატენდერო წინადადების ფასი (ხარჯთაღრიცხვა)	15
6	დანართი N3 მიწოდების მიწოდების პირობები	16
7	დანართი N4 თანხმობა საგარანტიო ვადებზე	17
8	დანართი N5 თანხმობა ანგარიშსწორების პირობების შესახებ	18
9	დანართი N6 – რეკვიზიტები	19
10	დანართი N7-შესყიდვის ობიექტის განთავსების ადგილები	იხ. ცალკე მიბმულ ი ფაილი

1. ინსტრუქცია ტენდერში მონაწილეთათვის

1.1 სახელმწიფო შესყიდვების ერთიან ელექტრონულ სისტემაში (შემდგომში – სისტემა) შესყიდვის პროცედურები ხორციელდება საქართველოს კანონის „სახელმწიფო შესყიდვების შესახებ“ და სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანებით დამტკიცებული „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის“ შესაბამისად.

1.2 ტენდერთან დაკავშირებული ყველა დოკუმენტი ან/და ინფორმაცია წარმოდგენილ უნდა იქნეს ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს საქართველოს კანონმდებლობით დადგენილი წესით შესრულებული თარგმანები ქართულ ენაზე.

1.3. დავის შემთხვევაში უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.

1.4. სახელმწიფო შესყიდვების ერთიან ელექტრონულ სისტემაში ატვირთული ყველა დოკუმენტი ან/და ინფორმაცია ხელმოწერილი ან/და ბეჭედადამოწმებული (ბეჭდის არსებობის შემთხვევაში) უნდა იყოს უფლებამოსილი პირის მიერ (საჭიროების შემთხვევაში ატვირთულ უნდა იქნას მინდობილობა ან რწმუნებულება).

1.5. სახელმწიფო შესყიდვების შესახებ ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.

1.6. პრედენდენტს არა აქვს უფლება წარმოადგინოს ალტერნატიული სატენდერო წინადადება

2. ტექნიკური დოკუმენტაცია

2.1 როგორც იურიდიული ასევე ფიზიკური პირებისათვის სახელმწიფო შესყიდვების ერთიან ელექტრონულ სისტემაში ასატვირთი ინფორმაცია:

- ა) ფასების ცხრილი (ხარჯთაღრიცხვა), დანართი N2-ს მიხედვით;
- ბ) შემოთავაზებული შესყიდვის ობიექტის დეტალური მახასიათებლები ტექნიკური პირობების შესაბამისად, შესყიდვის ობიექტის ვიზუალური მხარე: რენდერი ყველა ხედის გათვალისწინებით, შენობის გეგმა ძირითადი და დამატებითი სათავსოების განლაგებით, (მითითებული უნდა იყოს სათავსოების ფართი და ტექნიკური პირობების შესაბამისად სათავსოს დანიშნულება), ელექტროგაყვანილობისა და წყალმომარაგების სქემები, შენობის ჭრილები, პანელების გადაბმის სქემები და ასევე საძირკვლის მოწყობის გეგმა. აღნიშნული ინფორმაცია და შენობის ვიზუალური მხარე შეიძლება დაზუსტდეს შემსყიდველის მოთხოვნის შესაბამისად;
- გ) გამოყენებულ ძირითად მასალებზე ხარისხის შესაბამისობის სერტიფიკატი, რომლის საფუძველზეც უნდა იყოს შესაძლებელი გამოყენებული მასალების შესაბამისობის დადგენა ტექნიკური პირობებით გათვალისწინებულ მოთხოვნებთან;
- დ) ინფორმაცია ანალოგიური გამოცდილების შესახებ, (პრეტენდენტს, ბოლო 5 წლის განმავლობაში წარმატებით განხორციელებული უნდა ქონდეს მინიმუმ 10 პროექტი, საიდანაც ორი პროექტის ჯამური ღირებულება არ უნდა იყოს 1 000 000 (ერთი მილიონი) ლარზე ნაკლები. აღნიშნული ინფორმაციის დასადასტურებლად პრეტენდენტმა უნდა წარმოადგინოს შესაბამისი ხელშეკრულება და ჩაბარების დამადასტურებელი დოკუმენტი. ანალოგიური სახის გამოცდილება გულისხმობს ასაწყობი კონსტრუქციების მიწოდებას და მონტაჟს);
- ვ) თანხმობა სატენდერო დოკუმენტაციის დანართი N3-ზე (საქონლის მიწოდების პირობები)
- ზ) თანხმობა სატენდერო დოკუმენტაციის დანართი N4-ზე საქონლის საგარანტიო ვადებზე.
- თ) თანხმობა სატენდერო დოკუმენტაციის დანართი N5-ზე, (ინფორმაცია ანგარიშსწორების პირობების შესახებ);
- ი) რეკვიზიტები დანართი N6 მიხედვით;
- კ) დანართი N7 - მიწოდების ადგილები და მიწოდების კონკრეტული ადგილის მიხედვით საქონლის ტრანსპორტირებისა და მონტაჟის ღირებულება.
- ლ) სატენდერო წინადადების ხელის მომწერისათვის უფლებამოსილი პირის მიერ გაცემული მინდობილობა (საჭიროების შემთხვევაში);

შენიშვნა ტენდერთან დაკავშირებული ყველა დოკუმენტი ან/და ინფორმაცია წარმოდგენილ უნდა იქნეს ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს საქართველოს კანონმდებლობით დადგენილი წესით შესრულებული თარგმანები ქართულ ენაზე.

2.2. სატენდერო წინადადების ფასი

2.2.1 პრეტენდენტმა უნდა წარმოადგინოს სატენდერო წინადადების ფასი და ფასების ცხრილი დანართი N2 მიხედვით.

2.2.2 სატენდერო წინადადებაში საერთო და ერთეულის ფასი გამოსახული უნდა იყოს ლარში, შესყიდვის ობიექტის მიწოდების ადგილამდე ტრანსპორტირების, მისი დამონტაჟების, კომუნიკაციების ცენტრალიზებულ ქსელებთან დაერთების ხარჯების და ყველა სხვა ხარჯის გათვალისწინებით, რომელიც დაკავშირებული იქნება შესყიდვის ობიექტის მიწოდებასთან, ასევე მიმწოდებლისათვის საქართველოს კანონმდებლობით გათვალისწინებული ყველა გადასახადის გათვალისწინებით მათ შორის დღგ-ს გათვალისწინებით თუ პრეტენდენტი არის დღგ-ს გადამხდელი.

2.3 შესყიდვის ობიექტის ტექნიკური პირობები

შესყიდვის ობიექტის ტექნიკური პირობები მოცემულია სატენდერო დოკუმენტაციის დანართში N1

2.4. საქონლის მიწოდების ადგილი და ვადები

2.4.1. საქონლის მიწოდების ადგილი განისაზღვრება დანართით N7

2.4.2. საქონლის მიწოდება უნდა განხორციელდეს სატენდერო დოკუმენტაციის დანართში N8 მითითებული პირობების შესაბამისად.

2.5. ანგარიშსწორების პირობები

2.5.1. ანგარიშსწორება მოხდება უნაღდო ანგარიშსწორებით ლარში.

2.5.2. ანგარიშსწორება მოხდება საავანსო ფორმით საბანკო გარანტიის წარმოდგენის საფუძველზე, რომლის მოქმედების ვადა მინიმუმ 30 კალენდარული დღით უნდა აღემატებოდეს საქონლის მიწოდების საბოლოო ვადას.

2.5.3 მიმწოდებელი ვალდებულია ხელშეკრულების გაფორმებიდან 5 სამუშაო დღის განმავლობაში წარმოადგინოს საქართველოში მოქმედი საბანკო დაწესებულების მიერ გაცემული საავანსო გადახდის

გარანტია სახელშეკრულებო ღირებულების შესაბამისი ოდენობით. მიმწოდებლის მხრიდან აღნიშნული პირობის შეუსრულებლობის შემთხვევაში შემსყიდველი უფლებამოსილია ცალმხრივად შეწყვიტოს ხელშეკრულება და გამოითხოვოს ხელშეკრულების უზრუნველყოფის გარანტია.

2.6. დაფინანსების წყარო – სახელმწიფო ბიუჯეტი

2.7. ხელშეკრულების შესრულების უზრუნველყოფის საბანკო გარანტია.

2.7.1 ტენდერში გამოიყენება ხელშეკრულების შესრულების უზრუნველყოფის საბანკო გარანტია, სახელშეკრულებო ღირებულების 5%-ის ფარგლებში, ხოლო თეთრ სიაში რეგისტრირებული მიმწოდებლებისათვის საბანკო გარანტიის მოცულობა განისაზღვრება სახელშეკრულებო ღირებულების 2.5%-ის ფარგლებში.

2.7.2. იმ შემთხვევაში თუ ტენდერში ელექტრონული ვაჭრობის შედეგად გამარჯვებული მიმწოდებლის მიერ სისტემაში დაფიქსირებული საბოლოო ფასი 20%-ზე მეტით დაბალი იქნება წინამდებარე ტენდერის შესყიდვის ობიექტის სავარაუდო ღირებულებაზე, შემსყიდველ ორგანიზაციას უფლება აქვს გამარჯვებულ მიმწოდებელს მოსთხოვოს ხელშეკრულების შესრულების გარანტია 10%- მდე ოდენობით. თეთრ სიაში დარეგისტრირებული მიმწოდებლის შემთხვევაში აღნიშნული ოდენობა ნახევრდება

2.7.3. ხელშეკრულების შესრულების უზრუნველყოფის საბანკო გარანტიის წარმოდგენის პირობები:

2.5.3.1. ხელშეკრულების შესრულების უზრუნველყოფის საბანკო გარანტიის მოქმედების ვადა მინიმუმ 30 კალენდარული დღით უნდა აღემატებოდეს საქონლის მიწოდების საბოლოო ვადას.

2.5.3.2. ხელშეკრულების შესრულების უზრუნველყოფის საბანკო გარანტია წარმოდგენილი უნდა იყოს სატენდერო კომისიის გადაწყვეტილების საფუძველზე გამარჯვებული პირის ხელშეკრულების გასაფორმებლად მოწვევის თარიღიდან არაუგვიანეს 10 სამუშაო დღის განმავლობაში.

2.8. დამატებითი ინფორმაცია:

2.8.1. სატენდერო დოკუმენტაციასთან დაკავშირებული განმარტებებისა და დამატებითი ინფორმაციის მოთხოვნა ნებისმიერ დაინტერესებულ პირს შეუძლია სახელმწიფო შესყიდვების ერთიანი ელექტრონული სისტემის მოდულის „კითხვა/პასუხის“ მეშვეობით შესაბამის ტენდერში „ტენდერი გამოცხადებულია“ სტატუსის მინიჭებიდან „წინადადების მიღება დასრულებულია“ სტატუსის მინიჭებამდე არაუგვიანეს 24 საათისა.

2.8.2. ტენდერთან დაკავშირებული განმარტებისა და დამატებითი ინფორმაციის დაზუსტება/განმარტება განხორციელდება გონივრულ ვადაში, მაგრამ არაუგვიანეს 2 საათისა შესაბამის ტენდერში „წინადადების მიღება დასრულებულია“ სტატუსის მინიჭებამდე.

2.8.3. ყველაზე დაბალი ფასის წინადადების მქონე მიმწოდებლის მოთხოვნის შემთხვევაში 2.8.1. პუნქტით გათვალისწინებული შესაბამისი დაზუსტება/განმარტება განხორციელდება გონივრულ ვადაში, შესაბამის ტენდერში „შერჩევა/შეფასების“ სტატუსის მინიჭებიდან „ხელშეკრულება დადებულია“ სტატუსის მინიჭებამდე.

2.8.4. სატენდერო დოკუმენტაციასთან დაკავშირებული განმარტებებისა და დამატებითი ინფორმაციის გაცემაზე უფლებამოსილი პირი არის სატენდერო კომისიის მდივანი ირაკლი ფარესიშვილი ან სატენდერო კომისიის აპარატის წევრი ოთარ კიკვაძე.

წინამდებარე დოკუმენტი წარმოადგენს სახელმწიფო შესყიდვის შესახებ ხელშეკრულების პროექტს, რომელიც დაიდება გამარტივებული ელექტრონული ტენდერის ჩატარების შედეგად ტენდერში გამარჯვებულთან. წინამდებარე ხელშეკრულების პროექტის პირობების დაზუსტება განხორციელდება გამარჯვებული პრეტენდენტის წინადადების შესაბამისად, რომელიც ამავდროულად თანდართული ექნება ხელშეკრულებას, როგორც მისი განუყოფელი ნაწილი.

3. ხელშეკრულება სახელმწიფო შესყიდვის შესახებ # MDF/ET/G/04 -2013

ქ. თბილისი

„.....“

„.....“ 2013წ

ხელშეკრულების დამდები მხარეები

ერთის მხრივ, სსიპ საქართველოს მუნიციპალური განვითარების ფონდი (შემდგომში - „შემსყიდველი“) წარმოდგენილი მისი აღმასრულებელი დირექტორის ბ-ნი ელგუჯა ხოკრიშვილის სახით

და მეორეს მხრივ -----
(შემდგომში „მიმწოდებელი“)

(პრეტენდენტის სამართლებრივი ფორმა და დასახელება)

წარმოდგენილი მისი ----- სახით, ვდებთ
წინამდებარე

(უფლებამოსილი პირის თანამდებობა და სახელი)

ხელშეკრულებას შემდეგზე:

1. ხელშეკრულების ღირებულება

1.1. შემსყიდველმა გამოაცხადა 2013 წლის სახელმწიფო შესყიდვების გეგმის თანახმად, სახელმწიფო ბიუჯეტიდან გამოყოფილი ასიგნებების ფარგლებში ასაწყობი შენობების (კლასიფიკატორის დანაყოფი - (CPV) 44211000) თანმდევი ომსახურებით (მონტაჟი) სახელმწიფო შესყიდვის მიზნით გამარტივებული ელექტრონული ტენდერი (#SPA _____) და ტენდერის შედეგად მიმწოდებელმა აიღო ვალდებულება მიაწოდოს შემსყიდველს ზემოაღნიშნული საქონელი _____ ლარად (შემდგომში ხელშეკრულების ღირებულება).

1.2. შესყიდვის ობიექტის ერთეულის ფასი და საერთო ფასი მოცემულია წინამდებარე ხელშეკრულების დანართში N2

2. ხელშეკრულების შესრულების კონტროლი

2.1 ხელშეკრულების მიმდინარეობის ნებისმიერ ეტაპზე შემსყიდველი ახორციელებს კონტროლს მიმწოდებლის მიერ ნაკისრი ვალდებულებების შესრულებაზე.

2.2 ხელშეკრულების მიმდინარეობის კონტროლის მიზანს წარმოადგენს:

2.2.1. საქონლის მიწოდების ვადების ხელშეკრულების მოთხოვნებთან შესაბამისობის დადგენა;

2.2.2 მიწოდებული საქონლის ხარისხის ხელშეკრულების მოთხოვნებთან - ხელშეკრულების დანართით №1 (სატენდერო დოკუმენტაციის დანართი N1) გათვალისწინებულ და შემსყიდველთან შეთანხმებული დიზაინის საქონელთან შესაბამისობის დადგენა, მიღება-ჩაბარების აქტის გაფორმება და ანგარიშსწორების

პროცესის რეგულირება, მიმწოდებლის მხრიდან ხელშეკრულებით ნაკისრი ვალდებულებების შეუსრულებლობის ან არაჯეროვანი შესრულების შემთხვევაში შესაბამისი ინსპექტირების დასკვნის შედგენა .

2.2.3 საქართველოს მოქმედი კანონმდებლობით გათვალისწინებული სხვა ღონისძიებების განხორციელება.

2.3 ხელშეკრულების შესრულების კონტროლს ახორციელებს პროექტის მენეჯერი -

3. შესყიდვის ობიექტის მახასიათებლები

3.1. შესყიდვის ობიექტის ტექნიკური პირობები მოცემულია ხელშეკრულების დანართში #1.

3.2. საქონლის დიზაინი განისაზღვრება დანართის #__-ის მიხედვით;

4. საქონლის მიწოდების პირობები და საგარანტიო ვადები

4.1 საქონლის მიწოდება განხორციელდება ხელშეკრულების დანართში #3 გათვალისწინებული გრაფიკისა და პირობების დაცვით.

4.2 საქონლის მიწოდების ადგილი განისაზღვრება ხელშეკრულების დანართი N--(სატენდერო დოკუმენტაციის დანართი N7)

4.3 მიმწოდებელი იღებს ვალდებულებას, რომ მიწოდებული საქონელი და მისი მაკომპლექტებული ნაწილები იქნება ახალი, ქარხნული წესით დამზადებული და აკმაყოფილებს შესაბამის სტანდარტებსა და მოთხოვნებს.

4.4 მიმწოდებელი ვალდებულია მიწოდებულ საქონელზე გაავრცელოს გარანტია ხელშეკრულების დანართში N4 მითითებული პირობების შესაბამისად.

5. შესყიდვის ობიექტის მიღება-ჩაბარების წესი

5.1 შესყიდვის ობიექტის მიღება-ჩაბარება ხორციელდება მიღება-ჩაბარების აქტის საფუძველზე მიმწოდებლის მიერ ფაქტიურად მიწოდებული საქონლის შესაბამისად.

5.2 ხელშეკრულების 2.3. პუნქტით განსაზღვრული პირი მიწოდებული საქონლის ხელშეკრულების დანართით №1 გათვალისწინებულ მოთხოვნებთან და შემსყიდველთან შეთანხმებულ საქონლის დიზაინთან შესაბამისობის დადგენის მიზნით ახორციელებს საქონლის შემოწმებას.

5.3 იმ შემთხვევაში თუ, მიწოდებული საქონელი შეესაბამება ხელშეკრულების დანართით №1 გათვალისწინებულ მოთხოვნებს, ხელშეკრულების 2.3. პუნქტით განსაზღვრული პირი მიღება-ჩაბარების აქტის საფუძველზე ახორციელებს საქონლის მიღებას, ხოლო თუ, საქონლის მიწოდების პროცესში გამოვლინდება, რომ საქონელი არ აკმაყოფილებს ხელშეკრულების დანართით №1 გათვალისწინებულ მოთხოვნებს, ხელშეკრულების 2.3. პუნქტით განსაზღვრული პირი ადგენს შესაბამის ინსპექტირების დასკვნას, ხოლო შემსყიდველს უფლება აქვს არ მიიღოს ნაკლოვანი საქონელი და დაუბრუნოს იგი მიმწოდებელს მიმწოდებლის ხარჯით.

6. ანგარიშსწორება

6.1. ანგარიშსწორება მოხდება უნაღდო ანგარიშსწორებით ლარში, მიმწოდებლის საბანკო რეკვიზიტებზე.

6.2. ანგარიშსწორება მოხდება საავანსო ფორმით საბანკო გარანტიის წარმოდგენის საფუძველზე, რომლის მოქმედების ვადა მინიმუმ 30 კალენდარული დღით უნდა აღემატებოდეს საქონლის მიწოდების საბოლოო ვადას.

6.3. მიმწოდებელი ვალდებულია ხელშეკრულების გაფორმებიდან 5 სამუშაო დღის

განმავლობაში წარმოადგინოს საქართველოში მოქმედი საბანკო დაწესებულების მიერ გაცემული საავანსო გადახდის გარანტია სახელშეკრულებო ღირებულების შესაბამისი ოდენობით. მიმწოდებლის მხრიდან აღნიშნული პირობის შეუსრულებლობის შემთხვევაში შემსყიდველი უფლებამოსილია ცალმხრივად შეწყვიტოს ხელშეკრულება და გამოითხოვოს ხელშეკრულების უზრუნველყოფის გარანტია.

6.4. წინასწარი ანგარიშსწორება მიმწოდებელთან განხორციელდება ხელშეკრულების პირობების შესაბამისი საბანკო გარანტიის წარმოდგენიდან არაუგვიანეს 10 დღის განმავლობაში.

6.5. წინასწარი ანგარიშსწორებით (ავანსი) გათვალისწინებული თანხის დაქვითვა განხორციელდება ფაქტობრივად მიწოდებული საქონლის ღირებულების შესაბამისად.

6.6. იმ შემხვევაში თუ მიმწოდებელი ხელშეკრულებით გათვალისწინებულ ვადაში ვერ უზრუნველყოფს საქონლის მიწოდებას და მხარეები ვერ შეთანხმდებიან ამ ვადის გაგრძელებაზე შემსყიდველი უფლებამოსილია გარანტიის მოქმედების პერიოდში მიმართოს გარანტიის გამცემ ორგანოს (გარანტს), ავანსის სახით გადარიცხული თანხის დაბრუნებაზე.

6.7. იმ შემხვევაში თუ მიმწოდებელი ხელშეკრულებით გათვალისწინებულ ვადაში ობიექტური მიზეზების გამო ვერ უზრუნველყოს საქონლის მიწოდებას და მხარეები შეთანხმდებიან ამ ვადის გაგრძელებაზე მიმწოდებელი ვალდებულია წარმოადგინოს საბანკო დაწესებულებიდან გაცემული განახლებული ან ახალი წინასწარი ანგარიშსწორების (საავანსო) საბანკო გარანტია, რომლის მოქმედების ვადა მინიმუმ 30 კალენდარული დღით უნდა აღემატებოდეს გაგრძელებულ ვადას.

6.8. წინასწარი ანგარიშსწორების (საავანსო) საბანკო გარანტია მიმწოდებელს დაუბრუნდება წინასწარი ანგარიშსწორების (საავანსო) საბანკო გარანტიით გათვალისწინებული თანხის სრულად დაქვითვის შემდეგ, მიმწოდებლის წერილობითი მოთხოვნის საფუძველზე, წერილობითი მოთხოვნის წარმოდგენიდან 5 (ხუთი) სამუშაო დღის განმავლობაში.

7. მხარეთა ვალდებულებები

7.1. მიმწოდებელი ვალდებულია:

7.1.1. მიაწოდოს შემსყიდველს უფლებრივად და ნივთობრივად უნაკლო საქონელი;

7.1.2. შემსყიდველს მიაწოდოს საქონელი ხელშეკრულების პირობების შესაბამისად და უზრუნველყოს თანმხლები დოკუმენტაციის წარდგენა;

7.1.3. კეთილსინდისიერად და მაღალპროფესიონალურ დონეზე შეასრულოს ნაკისრი ვალდებულება;

7.1.5. დროულად განიხილოს შემსყიდველის მიერ წამოჭრილი პრობლემები, რომლებიც დაკავშირებულია ხელშეკრულების შესრულებასთან.

7.1.6. გაავრცელოს მოწოდებულ საქონელზე გარანტია წინამდებარე ხელშეკრულების დანართში N4 მითითებული პირობების შესაბამისად.

7.2. შემსყიდველი ვალდებულია:

7.2.1. დაფინანსების წყაროთი გათვალისწინებული თანხების უწყვეტი დაფარვის პირობებში უზრუნველყოს მიმწოდებლის დროული და სრული დაფინანსება.

7.2.2. დროულად განიხილოს მიმწოდებლის მიერ წამოჭრილი პრობლემები, რომლებიც დაკავშირებულია ხელშეკრულების შესრულებასთან.

7.2.3. დაიცვას ხელშეკრულებით გათვალისწინებული ყველა პირობა.

8. მხარეთა უფლება

8.1 მიმწოდებელს უფლება აქვს:

8.1.1 ხელშეკრულების ფარგლებში მოითხოვოს დროული და სრული დაფინანსება.

8.1.2 იმ შემთხვევაში, თუ მიმწოდებლისგან დამოუკიდებელი მიზეზით ფერხდება განთავსების ადგილების მომზადება და შესაბამისად, საქონლის მიწოდება, მიმწოდებელს უფლება აქვს მოითხოვოს მიწოდების გეგმა-გრაფიკის ცვლილება;

8.2 შემსყიდველს უფლება აქვს:

8.2.1 აწარმოოს მიწოდებული პროდუქციის ხარისხის, რაოდენობისა და მიწოდების ვადის კონტროლი.

8.2.2 განაცხადოს უარი უხარისხო საქონლის მიღებაზე.

8.3 შემსყიდველს უფლება აქვს შეცვალოს დანართი N7-ით გათვალისწინებული შესყიდვის ობიექტის მიწოდების ადგილი, ასეთ შემთხვევაში, მიმწოდებელმა უნდა შეათანხმოს ტრანსპორტირებისა და მონტაჟის ღირებულების ცვლილება შემსყიდველთან.

9. ფორს-მაჟორი

9.1. ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას;

9.2. ამ მუხლის მიზნებისათვის `ფორს-მაჟორი` ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებთან და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეულ იქნეს ომით, სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით, დაფინანსების წყაროს მკვეთრი შემცირებით და სხვა.

9.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

10. ხელშეკრულების პირობების და ფასების გადასინჯვა

10.1. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია. ამავე დროს შემსყიდველი არ არის ვალდებული წარუდგინოს მიმწოდებელს რაიმე მტკიცებულება იმ გარემოებებთან დაკავშირებით, რომლების გამოც წარმოიშვა ხელშეკრულების პირობების შეცვლის აუცილებლობა.

10.2. წინამდებარე ხელშეკრულების ფასების შეცვლა დასაშვებია საქართველოს სამოქალაქო კოდექსის 398-ე მუხლით გათვალისწინებულ შემთხვევებში.

10.3. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობით გაზრდა.

10.4. ხელშეკრულების პირობების ნებისმიერი ცვლილება უნდა გაფორმდეს წერილობითი ფორმით, რომელიც ჩაითვლება ხელშეკრულების განუყოფელ ნაწილად.

11. სადაო საკითხების გადაწყვეტა

11.1. შემსყიდველმა და მიმწოდებელმა ყველა ღონე უნდა იხმარონ, რათა შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

11.2. თუ შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის მიხედვით მიმართოს საქართველოს სასამართლოს.

12. ხელშეკრულების შესრულების შეფერხება

თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ ათი დღის ვადაში უნდა აცნობოს მეორე მხარეს თავისი გადაწყვეტილება, აღნიშნულ გარემოებებთან დაკავშირებით. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილებების შეტანის (შეთანხმების) გზით.

13. სახელმწიფო შესყიდვების შესახებ ხელშეკრულების შესრულების უზრუნველყოფა

13.1. იმისათვის, რომ თავიდან იქნეს აცილებული რისკი, წარმოქმნილი “მიმწოდებლის” მიერ სახელმწიფო შესყიდვების შესახებ ხელშეკრულების შეუსრულებლობის გამო, “მიმწოდებლის” მიერ წარმოდგენილია ხელშეკრულების შესრულების უზრუნველყოფის გარანტია ხელშეკრულების ღირებულების _____ ლარის ოდენობით, რომელიც ძალაშია (მინიმუმ 30 კალენდარული დღით უნდა აღემატებოდეს საქონლის მიწოდების საბოლოო ვადას) _____;

13.2. იმ შემთხვევაში თუ მიმწოდებელი ხელშეკრულებით გათვალისწინებულ ვადაში ობიექტური მიზეზების გამო ვერ უზრუნველყოს საქონლის მიწოდებას და მხარეები შეთანხმდებიან ამ ვადის გაგრძელებაზე მიმწოდებელი ვალდებულია უზრუნველყოს წარმოადგინოს გაგრძელებული ვადის ან/და ახალი ხელშეკრულების შესრულების უზრუნველყოფის საბანკო გარანტია, რომლის მოქმედების ვადა მინიმუმ 30 კალენდარული დღით უნდა აღემატებოდეს გაგრძელებულ ვადას.

13.3. საბანკო გარანტია მიმწოდებელს დაუბრუნდება შემდეგ შემთხვევებში:

13.3.1. მიმწოდებლის მიერ ხელშეკრულებით ნაკისრი ვალდებულებების სრულად შესრულებისას.

14. ხელშეკრულების პირობების შეუსრულებლობა

14.1. მიმწოდებელი კისრულობს პასუხისმგებლობას ხელშეკრულებით გათვალისწინებული საქონლის მიწოდების ვადების დარღვევის შემთხვევაში გადაუხადოს შემსყიდველს პირგასამტეხლო შეუსრულებელი ვალდებულების 0,5%-ის ოდენობით, ყოველ ვადაგადაცილებულ დღეზე შეთანხმებულ გრაფიკთან მიმართებაში;

14.2. შემსყიდველი კისრულობს პასუხისმგებლობას ხელშეკრულებით გათვალისწინებული ანგარიშსწორების ვადების დარღვევის შემთხვევაში მიმწოდებლის წერილობითი მოთხოვნის საფუძველზე გადაუხადოს პირგასამტეხლო მიმწოდებელს შეუსრულებელი ვალდებულების 0,1%-ის ოდენობით, ყოველ ვადაგადაცილებულ დღეზე.

14.3. საჯარიმო სანქციების გადახდა არ ათავისუფლებს მხარეებს ძირითადი ვალდებულებების შესრულებისაგან.

14.4. იმ შემთხვევაში, თუ ხელშეკრულებით ნაკისრი ვალდებულებების

შეუსრულებლობისათვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 5%-ს, მეორე მხარეს უფლება აქვს შეწყვიტოს ხელშეკრულება.

15. ხელშეკრულების შეწყვეტა

ხელშეკრულება შეიძლება შეწყვეტილ იქნეს:

15.1. მხარეთა შეთანხმებით;

15.2. ხელშეკრულების 14.4. პუნქტით გათვალისწინებული პირობის არსებობისას;

15.3. საქართველოს მოქმედი კანონმდებლობით გათვალისწინებულ სხვა შემთხვევებში.

16. ხელშეკრულების მოქმედების ვადა

წინამდებარე ხელშეკრულება ძალაში შედის ხელმოწერისთანავე და მოქმედებს _____ ჩათვლით.

17. განსაკუთრებული პირობები

17.1 ხელშეკრულება შედგენილია 3 ეგზემპლარად და თითოეულ მათგანს თანაბარი იურიდიული ძალა აქვს;

17.2 ხელშეკრულების ორი ეგზემპლარი ინახება შემსყიდველთან, ხოლო ერთი ეგზემპლარი მიმწოდებელთან.

პროექტის აღწერა

საქართველოს შრომის, ჯანმრთელობისა და საოციალური დაცვის მინისტრის #01-25/ნ ბრძანების შესაბამისად, საქართველოს მუნიციპალური განვითარების ფონდი ახორციელებს პირველადი ჯანმრთელობის დაცვის დაწესებულებებისათვის საჭირო ინფრასტრუქტურის მოწყობას. აღნიშნული დაწესებულებები უნდა ახორციელებდნენ ჯანმრთელობის ხელშეწყობის, დაავადებების პრევენციის, ფართოდ გავრცელებული დაავადებების სამკურნალო, სარეაბილიტაციო ღონისძიებებს, მათ შორის, დედათა და ბავშვთა ჯანმრთელობაზე ზრუნვას, მწვავე და ქრონიკული დაავადებების მართვას ამბულატორიულ დონეზე, გერიატრიულ და პალიატიურ მზრუნველობას.

მომსახურების მიწოდებას აწარმოებს გუნდი რომელიც შედგება ექიმი სპეციალისტისგან და ექთნისგან.

ტექნიკური დავალება

პირველადი ჯანმრთელობის დაცვის დაწესებულება უნდა იყოს ლითონის ანაკრები კონსტრუქციით და მრავალფენოვანი მაღალი თბოიზოლაციის მაჩვენებლის მქონე პანელების გამოყენებით. ობიექტების სხვადასხვა, მათ შორის მაღალმთიან რეგიონებში განთავსების გამო, თბოიზოლაცია და გათბობის სისტემა, კომპლექსში, უნდა უზრუნველყოფდეს ძირითად სათავსოებში არანაკლებ +21 გრადუსი ტემპერატურის შენარჩუნებას შენობის გარეთ -20 გრადუს ტემპერატურამდე. მომწოდებელი ვალდებულია წარმოადგინოს შესაბამისი გათვლა რომელიც დაეყრდნობა შესაბამის სერტიფიკატებს. შემსყიდველმა შეიძლება დამატებით მოითხოვოს ინფორმაცია საინჟინრო გადაწყვეტილებებთან მიმართებაში.

ასევე, უნდა იქნეს უზრუნველყოფილი გარე კედლების ჰიდროიზოლაცია, რათა არ მოხდეს შენობაში წყლის შესვლა ან დანესტიანება. შენობის მონტაჟი უნდა განხორციელდეს სატენდერო დოკუმენტაციის დანართით N7 გათვალისწინებულ მიწოდების ადგილზე შესაბამისი ადგილობრივი თვითმმართველობის მიერ მომზადებულ საფუძველზე.

1) შენობა უნდა იყოს ერთსართულიანი საერთო სასარგებლო ფართობით 38 კვ.მ მათ შორის:

ძირითადი სათავსოები:

- ა) ერთი მოსაცდელი ფართობით 12 კვ.მ;
- ბ) ექიმის ერთი საკონსულტაციო ოთახი ფართობით 12 კვ.მ;
- გ) ერთი სამანიპულაციო/საპროცედურო ოთახი ფართობით 12 კვ.მ;

დამატებითი სათავსო:

- ა) სველი წერტილი გარედან შესასვლელი კარით – 2 კვ.მ
- 2) გეგმარებითად შენობას უნდა ჰქონდეს ორი შესასვლელი (ერთი მოსაცდელში, ერთი სველ წერტილში). საკონსულტაციო ოთახში ისევე როგორც სამანიპულაციო ოთახში მოხვედრა უნდა ხდებოდეს მოსაცდელიდან ორი დამოუკიდებელი კარით.
- 3) სათავსოების სიმაღლე იატაკიდან ჭერამდე უნდა იყოს არანაკლებ 2,60 მ.
- 4) ექიმის საკონსულტაციო ოთახს ისევე როგორც სამანიპულაციო/საპროცედურო ოთახს უნდა ჰქონდეს ხელის დასაბანი ნიჟარები დასადგამით და თავისი ონკანებით.
- 5) აღნიშნული შენობის წყალმომარაგება უნდა მოხდეს არანაკლებ 500 ლიტრი ტევადობის, ცალკე მდგომი სასმელი წყლის რეზერვუარით, რომელიც უზრუნველყოფს წყლის შეუფერხებელ მიწოდებას თვითდინებით, ან ტუმბოს საშუალებით. რეზერვუარი მიერთებული უნდა იქნეს როგორც საკონსულტაციო და სამანიპულაციო ოთახებში განლაგებულ ხელსაბანებთან ასევე სველ წერტილთან და მასთან განლაგებულ ხელსაბანთან. წყლის სისტემის შეფუთვა უნდა მოხდეს ისე რომ არ მოხდეს გაყინვა;
- 6) გასათვალისწინებელია მეხამრიდის მოწყობა;
- 7) ძირითად სათავსოებს უნდა ჰქონდეს ბუნებრივი განათება, ისევე როგორც, ბუნებრივი ვენტილაცია; შენობაში განთავსებული ფანჯრები (მინიმუმ ერთი თითოეულ სათავსოში) უნდა იყოს მეტალოპლასტმასის, მინაპაკეტით რომელთა ზომა უნდა იყოს მინიმუმ 1 მეტრი სიგანეში და 1,20 სიმაღლეში. ფანჯრები უნდა იყოს ორმხრივი გაღებით და ჰქონდეს გადმოკიდების შესაძლებლობა. ასევე აუცილებელია, დაცვის მიზნით, ფანჯრებზე ლითონის ცხაურების მოწყობა. ფანჯრებს უნდა გააჩნდეს შესაბამისი საკეტები და სახელურები;
- 8) უზრუნველყოფილი უნდა იქნეს გათბობა ძირითადი სათავსოებისათვის გაზგამათბობელის (სადაც შესაძლებელია) ან შეშის გამათბობლის (თუჯის) გამოყენებით.
- 9) შენობას უნდა ჰქონდეს კონსტრუქციულად მყარი, ორ ქანობიანი, ორივე მხრიდან დახურული სახურავი (მინიმალური დახრით 30 პროცენტი) და შესასვლელი კარის გადახურვა. სახურავზე მოწყობილი უნდა იყოს წყლის შემკრები ღარები და საწური მიწები.
- 10) შენობას უნდა გააჩნდეს შეზღუდული შესაძლებლობების პირთათვის განკუთვნილი, განსაზღვრული ნორმებით დაპროექტებული პანდუსი, რომელიც უნდა შესრულდეს ლითონის კონსტრუქციით. პანდუსის დახრის პროცენტულობა არ უნდა აღემატებოდეს 6 პროცენტს. მისი სიგანე უნდა იყოს 1.50 მ. ორივე მხარეს დამონტაჟებული მოაჯირებით რომელთა სიმაღლეც არ უნდა აღემატებოდეს 85 სანტიმეტრს. პანდუსის ბოლოს, ამბულატორიაში შესასვლელ კართან, მოსაწყობია ბაჟანი ზომით არანაკლებ 1.50X1.50 მეტრზე. პანდუსის ზედაპირი დაფარული უნდა იყოს მოსრიალების საწინააღმდეგო საფარით.
- 11) შენობის შესასვლელი, ისევე როგორც შიდა კარები (კარების ღიობის ზომა მინიმუმ 90 სანტიმეტრი სიგანეში) უნდა აკმაყოფილებდეს შეზღუდული შესაძლებლობების

პირთათვის განსაზღვრულ ნორმებს. გარე კარი დამზადებული უნდა იყოს ლითონის ფურცლებისაგან მაღალი თბოიზოლაციით, ხოლო შიდა კარები მეტალო პლასტმასისგან. შესასვლელ კარს, ისევე როგორც, შიდა კარებებს უნდა ჰქონდეს საკეტები და სახელურები. კარებები უნდა მოეწყოს ზღუდარების გარეშე.

12) შენობის ყველა ოთახი დაგეგმარებული უნდა იყოს განსაზღვრული იმგვარად, რომ შეზღუდული შესაძლებლობის პირებს არ შეექმნათ გადაადგილების პრობლემა.

13) იატაკს უნდა გააჩნდეს შესაბამისი თბოიზოლაცია, ხოლო მოპირკეთებული უნდა იყოს წყალგაუმტარი, ქიმიური დამუშავებისათვის გამძლე მასალით, იმგვარი დამაგრებით რომელიც გამოირიცხავს წყლის გაჟონვას.

14) ძირითად სათავსოებში უნდა იყოს სინათლის ჩამრთველები (ორჩამრთველიანი თითო სათავსოში), როზეტები (მინიმუმ 4 თითოეულ სათავსოში). შენობის შიდა ელ.ქსელები შესრულებული უნდა იქნეს სპილენძის ელ.სადენებით (არანაკლებ 2.5 მმ კვეთით). სადენები გაყვანილი უნდა იქნეს კაბელ არხებში. გასათვალისწინებელია კომპიუტერული ქსელის (ethernet) კაბელის შესაერთებელი როზეტები (მინიმუმ ერთი სათავსოში). უნდა მოხდეს შენობის ელგაყვანილობის დამიწება.

15) სანათები უნდა იყოს დაზღუდული პლაფონური ტიპის დღის განათებით. ძირითადი სათავსოების განათებულობის კოეფიციენტი უნდა იყოს არანაკლებ 200 ლუქსისა.

16) შიდა კედლები და ჭერი უნდა მოეწყობილი უნდა იყოს მრავალფენოვანი მაღალი თბოიზოლაციის მაჩვენებლის მქონე პანელებით, სველი ქიმიური დამუშავებისათვის მდგრადი ზედაპირით. კედლებში, ჭერთან გათვალისწინებული უნდა იყოს სითბოს გამტარი ჭრილები;

17) შენობაში გათვალისწინებული უნდა იქნეს კომუნიკაციების ცენტრალიზებული დაერთების ადგილი. შესყიდვის ობიექტის განთავსების ადგილზე კომუნიკაციების მიყვანას უზრუნველყოფს ადგილობრივი თვითმმართველობა.

18) სველ წერტილს, რომელიც მოწყობილი უნდა იქნეს შენობაში უნდა გააჩნდეს გარედან შესასვლელი კარი ზომით არანაკლებ 0.70მ სიგანისა და 2.0 სიმაღლისა და ამასთან უნდა გააჩნდეს გასანიავებელი/გაღებადი ფანჯარა ზომით არანაკლებ 40X40სმ-ისა. საპირფარეშოში მოწყობილი უნდა იქნეს ე.წ. თურქული ტუალეტი.სველი წერტილის განათება უნდა მოხდეს 1 პლაფონური სანათით, შესაბამისი ჩამრთველით. ის უზრუნველყოფილი უნდა იქნეს დამოუკიდებელი კიბით და გააჩნდეს თავისი დამოუკიდებელი ხელსაბანი.

19) გათვალისწინებული უნდა იქნას როგორც შენობაში წყლის შეყვანის ასევე შენობიდან წყალარინების სისტემის მოწყობა.

20) გამოყენებული მასალები და კონსტრუქციები უნდა შეესაბამებოდეს სამშენებლო ნორმებს, იყოს ენერგოეფექტური და ეკოლოგიურად სუფთა.

სატენდერო წინადადების ფასი, ფასების ცხრილი (ხარჯთაღრიცხვა)

შევისების თარიღი „___“ _____ 2013წ , „_____“
(პრეტენდენტის დასახელება)

სატენდერო წინადადების ფასი _____ ლარი
(თანხა ციფრობრივად) (თანხა სიტყვიერად)

N	შესყიდვის ობიექტი	რაოდენობა/განზომილება	ერთეულის ფასი (*) (ივსება პრეტენდენტის მიერ)	საერთო ღირებულება (*) (ივსება პრეტენდენტის მიერ)
1	ასაწყობი შენობის კომპლექტი CPV (44211000)	81 კომპლექტი		
2	ტრანსპორტირება და ადგილზე მონტაჟი (დეტალურად იშიფრება დანართი N7-ით)	-	-	
3	მათ შორის გაზის გამათბობლით აღჭურვა	15		
4	მათ შორის შეშის გამათბობლით აღჭურვა	66		
	ჯამი	-	-	

(ხელმოწერა)

(ბ.ა. დგილი, ბეჭდის არსებობის შემთხვევაში)

შენიშვნა:

(*) დღგ-ს გადამხდელის შემთხვევაში სატენდერო წინადადების ფასი წარმოდგენილი უნდა იყოს დღგ-ს გათვალისწინებით.

საქონლის მიწოდების პირობები

მიწოდების ადგილი: საქონლის მიწოდების ვადები განისაზღვრება დანართი N7.

მიწოდების ვადები:

საქონლის მიწოდება და დამონტაჟება უნდა განხორციელდეს შემსყიდველის ან მის მიერ უფლებამოსილი პირის მიერ შესაბამისი შეტყობინების (წერილობითი ან ელექტრონული ფოსტის მეშვეობით გაკეთებული შეტყობინება ხელშეკრულებაში მითითებულ რეკვიზიტებზე) გაგზავნიდან არაუგვიანეს 10 დღის განმავლობაში დანართით N7 გათვალისწინებულ მუნიციპალიტეტებში.

საქონლის მიწოდება უნდა განხორციელდეს ხელშეკრულების გაფორმებიდან 180 კალენდარული დღის განმავლობაში შემდეგი გრაფიკის მიხედვით:

არანაკლებ 10 კომპლექტი 30 დღის ვადაში;
არანაკლებ 10 კომპლექტი მომდევნო 30 დღის ვადაში;
არანაკლებ 15 კომპლექტი მომდევნო 30 დღის ვადაში;
არანაკლებ 15 კომპლექტი მომდევნო 30 დღის ვადაში;
არანაკლებ 15 კომპლექტი მომდევნო 30 დღის ვადაში;
არანაკლებ 16 კომპლექტი მომდევნო 30 დღის ვადაში;

(ხელმოწერა)

(ბ.ა. დგილი, ბეჭდის არსებობის შემთხვევაში)

თანხმობა საგარანტიო ვადების შესახებ

გაცნობებთ, რომ _____ გამარჯვების შემთხვევაში
შემოთავაზებულ

(პრეტენდენტის დასახელება)

საქონელზე მისი ნორმალური ექსპლოატაციის პირობებში ვავრცელებთ გარანტიას ძირითად კონსტრუქციაზე 20 წლის ვადით, ხოლო გამათბობლებზე მინიმუმ 1 წლის ვადით.

გარანტიის მოქმედების ვადაში შესაბამისი შეტყობინების მიღებიდან არაუგვიანეს 15 კალენდარული დღის ვადაში ვუზრუნველყოფთ საკუთარი ხარჯებით აღმოვფხვრათ ნებისმიერი ნაკლი, ხოლო აღნიშნულის შეუძლებლობის შემთხვევაში არაუგვიანეს 30 დღის ვადაში ვუზრუნველყოფთ საქონლის ჩანაცვლებას შესაბამისი საქონლით.

(ხელმოწერა)

(ბ.ა. დგილი, ბეჭდის არსებობის შემთხვევაში)

ინფორმაცია ანგარიშსწორების შესახებ

ვადასტურებთ, რომ ჩვენი სატენდერო წინადადების გამარჯვების შემთხვევაში ხელშეკრულების გაფორმებიდან 5 სამუშაო დღის განმავლობაში

_____ ის მიერ წარმოდგენილი იქნება საქართველოში მოქმედი (პრეტენდენტის დასახელება) საბანკო დაწესებულების მიერ გაცემული საავანსო გადახდის გარანტია სახელშეკრულებო ღირებულების შესაბამისი ოდენობით. რომლის მოქმედების ვადა მინიმუმ 30 კალენდარული დღით აღემატება საქონლის მიწოდების საბოლოო ვადას.

(ხელმოწერა)

(ბ.ა. დგილი, ბეჭდის არსებობის შემთხვევაში)

რეკვიზიტები:

პრეტენდენტის სამართლებრივი ფორმა და დასახელება:

ხელმოწერის სახელი და გვარი:

პრეტენდენტის იურიდიული ან/და ფაქტიური მისამართი:

საიდენტიფიკაციო კოდი:

პრეტენდენტის ტელეფონის ნომერი:

ელექტრონული ფოსტის მისამართი:

მომსახურე ბანკი:

ბანკის კოდი:

ანგარიშის ნომერი:

(ხელმოწერა)

(ბ.ა. დგილი, ბეჭდის არსებობის შემთხვევაში)